



14. januar 2019

Inatsisartut suleriaasiat § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqut:

- 1. Qaqugu KNR-ip paasissutissat kingulliit ilanngullugit naatsorsuutigaa aammalu naammassissallugu tusagassiisarnermi inuiaqatigiinnut kiffartuussinissamik isumaqatigiissut?**
- 2. Tamatumunnga periarfissap ilaginerpaa KNR nutaamik tusagassiisarnermi inuiaqatigiinnut kiffartuussinissamik suliariumannittussarsiuunneqassasoq?**
- 3. Naalakkersuisuniik kissaatigineqarnerluni maannamut sulisaatsip akerlianik Inatsisartut ataatsimiittarfianiik radio-kkut aallakaatitsisarnerup isumaqatigiissutip nutarsarneqarnissaa?**
- 4. Naalakkersuisuniik isumaliuutersuutigineqarnerluni inatsisit aamma peqqussutit suut allanngortilersarneqarnerisut, KNR-p tusagassiisarnermi inuiaqatigiit kiffartuunneqarneranni KNR-i ingerlatsiunnaassagaluarpat, nutaamillu suliariumannittussarsiuunneqarluni?**
- 5. Internet-ikkut, TV-ikkut aamma Radio-kkut Inatsisartut ataatsimiinnerisa nalaanni aallakaatitsisarneq suliariumannittussarsiuunneqassagaluarpat qanoq tamanna aningaasartuutitigut akeqassanersoq naatsorsuutigineqarpa?**
- 6. KNR-ip ingerlanneqarneranut aningaasartuutissat tamakkiisut, toqqaannartumik imaluunniit toqqaannangikkaluamik naatsorsuutigineqarpa 2019-mi aningaasartuutigineqarumaartussat qassiussarnerisut?**

(Inatsisartunut ilaasortaq, Pele Broberg, Partii Naleraq)

Tunngavilersuut:

Tusagassiuutitigut KNR-ip siulersuisuisa nutaat oqaatigaat Namminersorlutik Oqartussanut KNR-p tusagassiisarnermi inuiaqatigiinnut kiffartuussinera nutarsarneqassasoq qilanaaralugu. Ukioq 2018-imi tusagassiisarnermi inuiaqatigiinnik kiffartuussinermut isumaqatigiissut naammassinikuuvoq, taamaattumillu pingaaruteqarluinnartoq nutaamik tusagassiisarnermi inuiaqa-

Inatsisartunut ilaasortaq Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536



tigiinnut kiffartuussinissamik isumaqatigiissusiortoqassanersoq paasissallugu, taamaalilluni kiffartuussineq qularnaarniarneqassammat.

Kalaallit Nunaanni tusagassiuuteqarneq pillugu ilisimatuussutsikkut misissuisimanermi¹ paasissutissanik tusagassiiarnerit aammalu tusagassiiarnermi pissutsit ukiuni kingullerni annertuumik allannguuteqarsimavoq. Taamaattumillu pisariaqartutut isigineqarani tusagassiiarneq tusagassiorfimmiik ataasiinnarmiik inuiaqatigiinnut tusagassiiarneq aammalu paasissutissanik ingerlatitseqqisoqartarnissaa. Taamaattumik Inatsisartutut pingaaruteqarluinnarpoq paasissallugu Naalakkersuisut qanoq tusagassiiarnermi pitsaalluinnassuseq qulakkeerniarlugu tusagassiiarnermi inuiaqatigiinni kiffartuussinermi suliariumannittussaarsiuunneqarnerani iliuseqalersaarnersut,

Ilisimatuussutsikkut ilisimatusarnermi ilanngullugu takutinneqarpoq radio tassaasoq aliikkutasiiinnermut, nutaarsiassanut aammalu paasissutissiiinnermut atorneqartartoq. Taamaattumik pakatsissutigaa Inatsisartut ukiaq (UKA 2018) katersuunneranni ataatsimiinnerannilu aalajanger-toqarmat inuiaqatigiinnut tamanut kingunerluuteqartussamik, inuiaqatigiit tamarmiusut oqallinneq radio-kkut malinnaaffigalugulu naalaarsinnaanngimmassuk.

Inuiaqatigiit tamakkerluta TV-kkut imaluunniit internet-ikkut attaveqanngilagut, taamaattumillu Inatsisartuni katersuulluta ataatsimiittarnitsinni malinnaasinnaanatik inissisimasarlutik. Aalisartut, piniartut, allaffimmiut, suliffissuaqarfanni atorfilittat, sisamanik assakaasulinnik ingerlatsisut aammalumi kikkugaluarnersut katersuulluta ataatsimiinnitsinni pisariaqarluinnartunik pingaaruteqarluinnartunillu paasissutissanik suliaqarnitsinni malinnaasinnaannginnerat naammaginangilaq.

Tamassumap malitsigisaanik Inatsisartuni pingaaruteqarluinnartunik ataatsimiittarnitsinni ukioq 2018-imi qineqqusaarnermi inuiaqatigiit oqallinnermut tusagassiiarnermi inuiaqatigiit kiffartuunneqarneranni apeqqutinut pingaaruteqarluinnartunut inuiaqatigiit oqalliseqataanissaminnik pisariaqartitsinerat takutinneqarpoq. Soorlu uani mittarfissuit eqqartorneqarneranni aalajangiiffigineqarnerannilu takuneqarsinnaalderpoq qanoq innuttaasut akornanni aalassassimaartigisoqartoq aammalu akerliusoqartoq, tamassumalu kingunerisaanik aalajangiinnermut inuiaqatigiit oqallinnermut peqataarusunnerat aammalu apeqqutinut akineqarsimanngitsunut paasissutissii-soqarnissaanik kissaateqarnerat annertutigisoq.

Tusagassiiarnermi inuiaqatigiit kiffartuunneqarneranni tusagassiiarneq suliariumannittussarsiuunneqassagaluarpat, pitsaanerumillu inuiaqatigiit atugaat pillugit oqallittoqartassagaluarpat, suut allannguutissat uani eqqarsaatersuutigineqarpat tamanna pisinnaaqullugu?

Aallakaatitsinerit, uani Inatsisartut katersuullutik ataatsimiinneri malinnaavigineqarneranni, TV-ikkut, Radio-kkut aamma internet-it aqutigalugu aallakaatitsinerit suliariumannittussarsiuunneqassagaluarpata. Toqqaannartumik killorneqanngitsumillu inersuarmiik ataatsimiinnerit tor-

Inatsisartunut ilaasortaq Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536



partii naleraq

rutiinnarlugu nutserneqartarneranni nutserneqanngikkaluarpataluunniit kanaalit kikkunnilluunniit atugassiannorlugit inissinneqartuuppata qanoq tamanna akuersissummik tingummiaraqartumut annaasaqaataassava. Qanormita KNR-imut ukiumut aningaasartuutit naatsorsuutigineqartut isikkoqassagaluarpat.

Apeqqutit ullut suliffiit qulit iluani akineqarnissaat kissaatigineqarpoq

Inatsisartunut ilaasortaq Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiinaleraq.gl
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536